

江蘇府縣志輯

中國地方志集成


續纂江寧府志

中國地方志集成

江蘇府縣志輯 ②

同治續纂江寧府志

江蘇古籍出版社 ● 上海書店 ● 巴蜀書社



同治續纂江寧府志



(清) 蔣 啓 勳
(清) 趙 佑 宸
汪 士 鐸 等 纂 修

責任編輯 卞惠興
封面設計 范一辛

中國地方志集成

江蘇府縣志輯②

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一三〇元

1991年6月第1版 1991年6月第1次印刷

ISBN 7-80519-216-2 / K·96

本書據清光緒七年（一八八一）刻
本影印。

續纂江甯府志序

昔周官誦訓之掌爲方志權輿秦漢以來率重圖籍唐虞職方掌天下地圖命郡府三年一造與版籍偕上皆後世沿革之基有變更編戶有息耗甲令化條有興革非因時紀述無以省方占數而課殿最是固守土者責也江甯自孫吳以迄有明爲都會不獨名勝甲於他郡而人才之盛物產之豐以及政教運會之相爲隆替前人載記特詳

國朝康熙初郡守陳公開虞沿宋元明舊志參以雜識圖攷彙而成編猶爲未盡美善也嘉慶中桐城姚郎中鼐重以呂燕昭太守之請搜遺補闕刊謬糾謬會萃條貫卓然爲一家言於今又七十有一年矣其間事蹟茂有簪錄況中經粵匪盤踞歲餘一紀七縣糜爛哀我師恢復而瘡痍滿目瓦礫載途典章文物蕩焉無有存

續纂江甯府志序

者余昔權篆金陵顧此殘缺盡然傷之去春重奉

天子命作督於茲屬江甯太守天門蔣君啟勛與郡人汪孝廉士鐸釀金續纂府志事例編具將以右遷去嗣者爲鄞縣趙君佑宸復集邦彥討論商榷周諏博訪探撫抉剔於兵燹燬燼之餘窮數月力而告歲都二十八卷區分絡引體嚴法備辭簡義該志者史之一端非擅三長曷以臻此蓋趙君舊官史歲孝廉此邦耆獻而采訪分校又皆鴻儒碩士集眾長以成一書故能踵武前規而傳信於後非特如褚少孫之補遷書司馬彪之續范志不免後人詆譏也余惟風化之嫩繫乎官師後之人守斯土而讀斯志非徒泛覽文藝蒐求故實務須究心於山川形勢風土民情水利農田兵師營衛典禮學校名法征徭與夫循吏名賢之績忠臣孝子之行尤須默思地方之治亂民生之利病政事之得失庶幾興廢舉墜以

復舊觀布澤行仁以培元氣勉爲良二千石不負古之掌志以詔觀事而知地俗之至意則作志者之愷也余既嘉其明述之功重申之以實事求是之效以爲後來者詔焉

欽差大臣頭品頂戴兵部尚書兼都察院右都御史總督江南江西等處地方兼理糧餉操江兩淮鹽務碩勇巴圖魯劉坤一序

續纂江甯府志序

續纂江甯府志序

江甯府古禹貢揚州之域自孫吳肇國迄東晉至陳夙爲都會名號不一至南唐改爲江甯府謂之西都其在勝國易曰應天始隸輦下繼作陪京故聲名文物冠裳玉帛之盛甲於東南論者謂虎踞龍蟠有長江天塹之險余竊維東南險要在京口不在金陵然北接淮濟達神京西扼江楚上游而下通東南漕輓數百萬金錢財賦咽喉重地誠天下命脈顧自吳越以來保境息烽民生久不見兵革逮粵逆倡亂騷江浙開而江甯一府盤踞最久天子南顧嚮咨特命重臣持節征討轉戰十餘年窮天下力僅乃克之余奉

恩命三署督篆嘗覽其山川形勢訪諸故老詢於耆寮知兵燹之後戶口陵替閭閻空虛或廣廈連陌鞠爲茂草者所在多有於以續纂江甯府志

序

三

歎瘡痍之難復而涵濡休息之匪易也方今

聖化所被大字久安亟欲整齊掌故爲後持循府志自宋元明以來皆有之

國朝康熙初年知府陳開虞嘗一修之閱百七十餘年新安呂燕昭來守江甯始重修呂公編訂於日久放失之後故爲之難茲當案牘闕如耆舊彫謝補苴掇拾其尤難已爰集七縣長吏而議重修府志閱歲成書其日十五卷亦如之至政事異宜沿江各口增築礮台控制聯絡因時立制其勢然也後之覽者深思夫治亂機臧割制利弊與夫居安思危化俗宜民之道講明而切究之則夫方志之作不特表章文獻亦以輔政教也豈徒以風流文采飾儒雅之名云爾哉

兵部侍郎兼都察院右副都御史巡撫江蘇等處地方提督軍務

兼理糧餉加三級吳元炳序

續纂江甯府志

序

四

續纂江甯府志序

江甯府為東南大都會領縣七

國朝有志始康熙六年知府事陳君開虞踵之者嘉慶十七年知府事呂君燕昭陳志沿革定元金陵等志之舊謬訛未有訂正呂志賅而覈矣而姚先生熊猶以為疏漏未及備冗文未及芟當時江左全盛文獻易徵詳略之閒若留以待志乘本乎史裁其難如此余備藩之明年前同館史官鄧縣趙君鵬劇郡調首符以巨帙至曰此續前志前升守蔣君為之而某繼之者既卒讀曰呂志閱今七十年矣中遭潢池盜弄據行省為窟穴蹂躪旁邑經王師底定人民來集城郭再完而陳迹俯仰版籍蕩盡耆舊彫殘將拾灰燼之餘存什一於千百縉紳之士難言之閒有遺老故吏往往限於覩記之不廣識小遺大知近略遠無能挈宏綱舉細目

續纂江甯府志序

五

則姑俟後之人焉亦有志未逮者所同慨乎夫今昔殊勢則難易異情憶官京兆日今總督直隸節相李公晉奏脩畿輔通志余亦下所司採訪忠義助揚風化蒐討歷數寒暑甫有成書被兵後網羅遺軼之難也江甯一府咸同已來事會繁夥矣守是邦者簿書期會倍於往時顧從容就理易人之所難以其餘力續為此志卷分十五何約也成僅期年何速也不曰脩而曰纂又何慎也觀其所取以信今而傳後者準乎史法必關於戎祀教養與夫典章文物之大而皆踵自前脩考諸吏牘綜而有要闕其所疑其免於疏與冗之失乎惜不起姚先生質之

詒授榮祿大夫江甯布政使司布政使番品梁肇煌序

續纂江甯府志序

佑宸守江甯之明年續纂府志適成受而讀之簡而不遺詳而不

繆信乎其善志也制府新甯劉公中丞固始吳公方伯番馬梁公既各為之序亦將序之以附數公之末客過而詰難曰嘻何子之勤也志中例言謂不假序以傳子未之見乎曰見之見則曷為序曰重守職也漢制太守在郡國皆掌治民進賢勸功決訟檢奸論課殿最並舉孝廉蓋守職若斯其重也今之守雖不得專選舉而所謂攷察聽斷諸政亦未嘗或異於古自潤州移守此郡凡輿地之廣袤田賦之輕重學校之盛衰風俗之奢儉與夫忠義孝烈之祠祀指紳遺逸之言行讀斯志而瞭然如視諸掌不待咨邦傑詢耆獻而後知利何以興弊何以革也然則之獲益於斯志者不其幸與天門蔣公啟勛守郡時實勤斯舉未

續纂江甯府志序

六

幾以遷擢去繼之公勞其剏而獲觀其成此尤幸之甚者也今茲從而序之者蓋以斯志大有裨於守土者為政之道且因今日之成而追念昔者之勞是以不能已於言而非第區區樂附姓名於簡端也若夫纂志者之辭序意以文字之工拙必俟久而論定不欲以一時褒稱之過反損其真豈謂一郡之志乘無與於郡守之責哉子何固而未達也客然其說而退遂述之以為志序焉

光緒辛巳六月江甯府知府鄧趙佑宸序

續纂江甯府志卷之首

續纂銜名

鑒定

頭品頂戴兵部尚書兩江總督劉坤一 蜆莊湖南人

兵部侍郎江蘇巡撫前署兩江總督吳元炳 子健河南固始縣人

江南布政使司布政使梁肇煌 撫州廣東番禺縣人

布政使銜江安督糧道張富年 榮堂浙江仁和人

二品頂戴江南鹽巡道德壽 靜山漢軍旗人

議修

升任太僕寺卿前江甯布政使司布政使孫衣言 琴西浙江瑞安縣人

前代理江甯布政使司布政使現任淮揚海兵備道桂嵩慶 海寧浙江嘉善縣人

前署江甯府事現任淮安府知府孫雲錦 海寧浙江嘉善縣人

續纂江甯府志卷之首

主纂

二品銜升任湖南衡永郴桂道江甯府知府蔣啟勛 鶴莊湖北天門縣人

江甯府知府趙佑宸 梓甫浙江鄞縣人

參閱

兩淮鹽運使司鹽運使洪汝奎 琴西湖北漢陽縣人

江甯府教授授趙彥脩 季梅丹徒縣人

按察使銜安徽候補道石楷 東山江甯縣人

知府用候選同知直隸州知州孫文川 澄之上元縣人

候選教諭署東臺縣訓導舉人陳元恆 葆常江甯縣人

總纂

分纂

人汪士鐸 海翁江甯縣人

候選教諭、拔貢生朱桂模 崇峰上元縣人

候選知縣副貢生劉壽曾 恭甫儀徵人

候選訓導附貢生方培容 子涵江甯縣人

候選知縣舉人秦際唐 伯虞上元縣人

錄用教職前署邳州學正舉人甘元煥 劍侯江甯縣人

舉人陳作霖 甫生江甯縣人

太常寺博士銜附貢生甘埏 子純江甯縣人

錄用教職優貢生鄧嘉緝 熙之江甯縣人

廩貢生顧雲 子鵬上元縣人

增廩生羅震亨 雨田上元縣人

刑部學習主事廩貢生胡光燧 煥文江甯縣人

附生田曾 撰異上元縣人

續纂江甯府志卷之首

總採訪

兼校八旗傳湖北襄陽府同知炳元 煦軒江甯縣人

善後局文案委員候選訓導沈師濟 伯彥江甯縣人

工程局文案委員同知銜安徽候補知縣陳海仁 靜甫江甯縣人

候選訓導歲貢生張鑄 治秋江甯縣人

候選訓導廩貢生陳慶霖 集堂江甯縣人

兼分纂附貢生周嘉模 柳潭上元縣人

候選中書科中書廩生石永熙 竹吾江甯縣人

廩生高德泰 子安江甯縣人

廩生尚兆山 仰止句容縣人

候選教諭拔貢生姚桂馨 一山溧水縣人

候選教諭拔貢生侯宗海 杏樓江甯縣人

試用訓導歲貢	生孫崇晉	鶴笙六合縣人
就職訓導歲貢	生朱麟祉	石仙六合縣人
候選直隸州判拔貢	生夏文源	欄如高郵縣人
孝廉方正附貢	生陶嗣元	善之江甯縣人
候選直隸州判恩貢	生龔坦	謙夫江甯縣人
候選訓導歲貢	生端木璧	西園江甯縣人
附	生朱性堃	芙蓉江甯縣人
候選通舉	判黃慶承	庸之上元縣人
候選通舉	人姚兆頤	友梅江甯縣人
附	生陳槎	月江江甯縣人
候選通	判郭樹助	外山江甯縣人
續纂江甯府志	三	
附	生徐銀	益齋上元縣人
附	生鄧嘉林	思亭江甯縣人
收掌兼繪圖	生吳松慶	申甫上元縣人
附	生王啟樾	蔭之上元縣人
附	生吳華慶	二山上元縣人
采送		
署上元縣知	縣郝炳綸	少山直隸三河縣人
江甯縣知	縣陸元鼎	泰江浙江仁和人
署句容縣知	縣袁照	尊皆湖北安陸縣人
署水縣知	縣傅觀光	竹坪江西新建縣人

江甯縣知	縣張興詩	樹齋浙江歸安縣人
六合縣知	縣謝延庚	心齋浙江會稽縣人
高郵縣知	縣楊福鼎	新之雲南麗江縣人
江甯府	導吳韶生	子和吳縣人
上元縣教	諭王政敏	子雅寶應縣人
上元縣教	導吳振宗	蓮生吳縣人
江甯縣教	諭季寶仁	禮齋江陰縣人
江甯縣教	導戴榮	星舟丹徒縣人
句容縣教	諭陳鼎	晉卓長洲縣人
句容縣教	導秦煥	笠亭無錫縣人
溧水縣教	諭章驥	冀伯泰州人
溧水縣教	導李宗元	起之丹徒縣人
續纂江甯府志	四	
江甯縣教	諭楊誥	彝伯甘泉縣人
江甯縣教	導莊兆會	慕沂丹徒縣人
六合縣教	諭徐晉高	慕庭上海縣人
六合縣教	導楊介福	慶農寶應縣人
高郵縣教	諭吳清標	霞城吳縣人
高郵縣教	導郭宮桂	月軒山陽縣人

續纂目錄	卷之一	圖說	卷之二	田賦	卷之三	軍制	卷之四	祠祀	卷之五	學校	卷之六	實政	卷之七	建置	卷之八	名蹟	卷之九	藝文	卷之十	大事表	卷之十一	秩官表	卷之十二
												續纂江甯府志	卷之首	目錄									
												五											

科貢表
卷之十三
兵事表
卷之十四
人物
義行
名宦
先正
忠義
孝友
仕蹟
儒林
文苑
卷之十五
拾補
續纂江甯府志
卷之首
目錄
六

續纂凡例

志以續名固始 吳中丞卓犖特見也近時爲志皆上溯古初不知此爲初創之縣志言之若前有佳構猶事更張昔人嘗謂葺宇重軒施牀連榻雖奇詞異義仰述千秋而殘闕多端未能補綴片言剩義自謝新奇不亦誤乎夫通鑑不上起楚人截元弗轉算開闢今之爲書奉此爲例

龍門史記外誤實多乃譙周作古史糾之紹統又糾允南展轉相仍互肆攻駁此志人皆經生例不破注況呂志成於姚姬傳先生先生古文大宗主鍾山書院幾二十年自宜以箋表敬且年已八旬才識逾並世之士故或筆或削微指罔有異詞今也未能故云纂不云修也

竟典冠於虞書

天章傳彼雲漢有瞻仰無可續也若職方

續纂江甯府志

卷首 凡例

七

以繼禹貢雖山川如故而詳畧微分故與圖一卷即驛遞附之所以續呂志與圖互域驛遞也山水沿革分野風俗物產無所續而古迹則事屬稽古者不談記嘉道以來遊人履歷所及惜外縣未能周知亦未敢求長安志例也田賦一門 國課民生之所係時事變更賦役全書尙未頒下故只卽光緒六年現行爲斷俾不失墜以俟定章軍制大異昔年祠廟刪其淫祀學校畧有增加建置多於成憲所以續建置祠廟賦役學校武備也惟實政銘 盛世之深仁兵事紀一周之塗炭此則非出於續爾藝文存今刊之典籍不取未刊之虛名以省繁猥所以續金石藝文也紀年事表續以大事秩官科貢亦緣舊章人物除隱逸方技仙釋外悉續原書至補闕拾遺纂於卷末所以纂放失之舊聞補各篇之失載亦所以續原書藝文下之誼云爾

千里一型百里一賢才六十年而人才之多如許不亦濫乎然此非爲方志言也或又曰言之不文行之不遠修辭本聖人所許小傳何無文藻也顧郡志體宜謹嚴呂書繁簡既爲前式則善善從長不容苛刻今除忠義一門必憑忠義局入奏成案不收監載外其它咸憑采訪或有過而存之者知我罪我一聽世人至勦錄來文未能潤色此則咎不能辭爾

時賢有言必待各縣志告成而後可修府志此言是也然呂志修於嘉慶十五年而上元等六縣志皆成於乾隆十餘年間江浦且成於雍正初咸六七十一年姚先生豈不知有所待哉況兵燹之慘七邑大同案牘燬而舊籍卽世及今訪之僅得什一過此以往文獻將益凋殘老屋大航出之未十何日請俟後賢補正可也

續纂江甯府志

卷首 凡例

八

修書上溯西京旁資典籍近閱鄧志知其徵引至千六百餘種上而四部下至家傳墓碑故能淵鑿賅博甲於邑乘今仿馬彪李贄故事則惟須吏牘無取才華況郡人舊俗雖官金紫亦謙沖兢慎垂戒子孫禁作碑銘傳記其餘學子詞人勞薪一世世無中郎遂無傳夫有道者采訪之詞實勝於文稍加揄揚卽非信史故今於人物不敢虛飾畧文於結繩之初而已杞宋無徵聖人所歎今搜典籍皆在嘉慶辛未以前同治三年以來吏案已開有散失公子陽生之屬不能責信於衆人以故此志頗多闕佚外縣尤甚亦猶紀子昂苗子之例仍其一有名一無名也爲程子以若求五雀六燕輕重平衡恐未能矣議修之始肇於權藩司之桂公成於前江甯升府蔣公邦人石東山觀察從而佐之既而桂公之淮揚蔣公移蔭南楚東山觀


察素喜謙讓始事之勤遂無敘述故特識之或謂書雖蕪歲宜
乞弁言不知志繫流水乃見賞於子期侈其舊風始可造夫元
晏至於無戚施之美若厲猶之陳猶思澤粉白之芳華竭芍椒
以亨割不亦俱乎茲以識多未照才媿通方徒尚陳壽賈直之
詞遠謝征南義類之博理宜覆瓿示斯民直道之大公稿雖脫
編非有識君子之所歎飾櫝售珠可不必已


輿圖

地學有圖元和已然南宋人裝點景物適形鄙陋陳府志所載
識者哂之呂志前剔垢穢其見卓矣顧其所為圖南上北下既
昧聖人南面而立之誼又甚疏脫不足備觀覽同治中丁雨生
中丞日昌乃為蘇屬圖牛毛繭絲細密無不備李雨亭制軍宗
義仿之為甯屬圖并以虛綫清釐州縣界址可不謂之美善兼
備乎其冊有說因附載之以周時用大氏山川軌迹皆自西而
東其橫枝或小小不然禹貢兩條四列可證也至其名稱悉隨
土俗春秋公羊家所云名隨主人庶幾便於識別與作續輿圖
弁於首并驛遞附於後亦禹貢夾右碣石之義也呂志圖已更正之

江甯府境全圖

每方二十里






續纂江甯府志 卷之一

上元江甯兩縣境圖

每方十里







續纂江甯府志 卷之一

句容縣境圖


圖

三






六合縣境圖




高淳縣境圖



江甯府總圖說

江甯爲省城首府轄縣七江之南曰上元江甯句容溧水高淳江之北曰江浦六合北界天長盱眙儀徵西界來安滁州全椒和州當塗南界宣城建平東界溧陽金壇丹徒南北直佔最長處二百六十里斜佔最長處二百八十餘里中截東西平佔一百八十里北截東西平佔八十餘里南截東西平佔七十餘里統計積地二萬三千八百方里以少廣法計之一百五十餘里也境轄長江南岸一百七十餘里北岸一百五十餘里江浦浦口爲近處犄角揚郡鎮江爲遠處犄角險要形勢全在臨江一面故前人畫江北兩邑分屬與南包舉全江殆有深意湖東來要口以羅絲溝與儀徵南門港相對羅盤綫值丑未江面八里爲第一重門戶棲霞山與划子口相對江面六里此處南岸雖無港口而憑山瞭望聲勢可



上元縣圖說

上元縣江甯府附郭首邑境轄城東一面北寬南窄自汴河口至烏剎橋一綫下垂又有越轄之地故袤廣斜直難以言狀自神策門北至觀音門江邊計逕直十四里自聚寶門南至丁公山溧水當塗兩界口逕直七十四里自朝陽門東至湯水鎮句容界口逕直四十里其三山聚寶兩門即與江甯分界又自下關鎮江口東歷觀音門至三江口計迂曲江邊八十餘里與儀徵六合分界江心自三江口南歷龍潭湯水土橋至高陽橋計迂曲界邊一百五十餘里爲句容界自高陽橋西南至烏剎橋計迂曲界邊二十里亦爲江甯界自烏剎橋西南丁公山計迂曲界邊二十餘里爲當塗界自橫溪橋東歷烏剎橋北循秦淮而上至下關鎮江口計迂曲界邊一百三十里爲江甯界統計積地三千三百四十一方里

聯足爲第二重門戶又西則觀音門至下關一帶崇山障其內沙洲蔽其外草鞋夾天生設伏之所不能以門戶稱也其下關口斜距浦口城江面十三里又爲近城內戶更折而西南則大勝牧龍銅井諸處江面俱不過七八里均可兩岸控扼更聯揚州鎮江爲外戶江防綦密矣境穿水道以秦淮河爲幹流南通溧水高淳東達句容西承皖省爲來源北抵下關出江爲去委四境岡巒重疊紫金巴斗爲近城捍衛棲霞爲濱江垣牆華山崙山爲東面屏障西橫墓墓爲南面保障其間逶迤起伏中藏平陸要道數處炭渚東來鎮郡之要道也以華山扼其吭白兔東來丹陽之要道也以句容當其衝其南境皖省來路雖支餘紛岐有高淳溧水據其前西南一角無衝可扼惟小丹陽銅井兩處較爲入境之要此蓋形勢大概也